

四



何氏濟生論

京江何鎮培元甫纂集 再姪孫鳳翽紫庭節錄

卷四目次 中州諸疾類

泄瀉論

腹痛論

附 腹中鳴論

五噎五膈論

心痛胃脘痛論

嘈雜論

痞論

不能食論

惡心論

嘔吐論

關格論

吞酸吐酸論

呃逆論


鼓脹論

水腫論

何氏濟生論卷四

泄瀉論

素問云春傷于風夏必殄瀉邪氣留連乃爲洞泄又云濕甚則濡泄寒甚則泄暑熱亦瀉七情傷感藏氣不平則溏泄由是觀之瀉之名狀不一而皆由于中州不運脾胃有傷也如名殄泄者濕兼于風也其狀食畢卽腸鳴腹急盡下所食之物方舒快不食則無恙所謂完穀不化俗名錄食瀉者是也其脉弦腸垢者濕兼火也所下皆稠粘垢物糞色赤肛門熱痛小



便赤少其脉數驚澹者濕兼寒也所下皆澄清冷徹如鴨糞腹內刺痛小便色白其脉遲濡泄者脾胃受濕致傷闌門元氣不能秘別水穀併入大腸而成泄瀉所下多水小便反澁腸鳴漉漉有聲其脉必沉而緩又有日間早夜無事近五更則作瀉此病在腎主于虛老人奉養太過飲食傷脾常常泄瀉謂之脾瀉宜補脾健運則瀉自止有泄瀉噎氣如敗卵臭者乃食積也宜下之總之治瀉之法寒則溫之風則散之熱則清之溫則分利之必積滯已消然後方用止下

之藥若未消便止必致蘊積而成痢者有之又明醫
雜著云泄瀉之病悞服參耆等甘溫之藥且或變爲
黃疸益泄瀉屬濕甘溫之藥能生濕熱故反助病邪
久則濕熱甚而爲疸矣惟苦寒以瀉濕熱如知柏之
類苦溫以除濕寒如白朮故紙之類而瀉可已也瀉
止之後脾胃虛弱可參耆等藥以補之又瀉止之後
到次年此月此日復發者有積故也脾主信故至期
復發焉熱積用大承氣湯寒積用感應丸虛者以保
和丸加三稜蓬朮之屬投之大抵此症最忌五虛所

謂五虛者脉細皮寒少氣前後泄利飲食不入得此必死用參朮膏救之亦有生者

附錄

內經之論泄瀉或言風或言濕或言熱或言寒此明四氣皆能爲泄也又言清氣在下則生殮瀉此言脾虛下陷之瀉也統而論之脾土强者自能勝濕無濕則不泄若脾虛不能制濕則風寒與熱皆得干之治之之法有九一曰淡滲使濕從小便而去如農夫治澇導其下流雖處卑濫不憂巨浸經

云在下者引而竭之是也一曰升提氣本上升虛
則下陷升柴羌葛之類鼓舞胃氣使之上騰則注
下自止又如地氣潮濕風之卽乾故風藥多燥所
謂下者舉之是也一曰清涼熱淫所至暴注下迫
苦寒諸劑用滌燔蒸猶溽暑伊鬱之時而商飈颯
然修動則炎歆如失矣所謂熱者清之是也一曰
疎利痰凝氣滯食積水停皆令人瀉隨證祛逐勿
使稽留經云實者瀉之又云通因通用是也一曰
甘緩瀉利不已急而下趨愈趨愈下泄何由止甘

何曰濟生言
能緩中善禁急速所謂急者緩之是也一曰酸收
瀉下有日則氣下而不收無能統攝注泄何時而
已酸之一味能助收肅之權經云散者收之是也
一曰燥脾土德無慚水邪不濫倉廩得職水穀善
分虛而不培濕淫轉甚經云虛者補之是也一曰
溫腎腎主二便封藏之本雖曰屬水真火藏焉此
火一衰何以運行三焦腐熟五穀故積虛者必挾
寒脾虛者必補腎經云寒者溫之是也一曰固澀
幽門道滑雖投溫補未必奏功須用兜澀則變化

不愆經云滑者澁之是也凡此九者緩急先後隨時制宜審症發藥可以胥天下于壽域矣

歌括

濡瀉如傾濕所侵分消利水便安寧完穀不化名殮
瀉內夾風邪發散平腸垢稠粘爲脇熱寒如鴨糞水
澄清熱當伐火黃苓治寒用溫中姜桂行不禁只須
訶子散脾虛久瀉倍參苓

泄瀉選方

益黃散

益黃國老丁香輩 青皮陳皮訶子類

觀音散

觀音神草石蓮苓 呆扁黃耆藿芷參

治久泄瀉

寒水石 煨七錢

枯 礬 三錢

共研細米糊丸空心開水下大人十丸小人五

丸

治泄瀉奇方

小兒白痢貼亦妙

母丁香 一枚

木 驚 去壳 一枚

共研納滿臍中用太乙膏貼之瀉止則去

木香清膈飲子

治小兒痢疾

清膈呆參橘朴苓 杏仁蘇草冬砂仁

錢氏白朮散

治小兒泄瀉

錢氏白朮苓草苓 藿香木香乾姜并

奇效散



奇效山藥米飲服 細草半生兼半熟

石蓮散

石蓮米飲空心服

戊己丸

治脾胃不足濕熱乘之泄瀉不止米穀不化

川連 去鬚

吳茱萸 去梗炒

白芍藥 各五錢

麵糊丸每服三十丸空心米飲下

胃苓湯

治脾太過泄瀉不止一名對金飲子

平胃散

五苓散

各等分

四神散

治脾腎俱虛作瀉

破故帛

鹽水炒

肉豆蔻

濕紙裏煨

小茴香

鹽水炒三分

廣木香

五錢

爲細末生姜四兩紅棗四十枚同煮爛去姜杵

棗肉爲丸米飲下五十丸

飯匙散

治久瀉不論老幼神效



冬

米

煮飯取鍋焦
研末一兩

老蓮肉

炒研
四兩

嚮

饴

研末
四兩

爲末每用三五匙乾吃

四製白朮丸

治脾虛久瀉

白

朮

十兩分四處用故紙吳萸小茴肉蔻四味
各同一分浸一夜炒乾揀出白朮用

人

參

一兩

山

藥

炒一兩

陳

皮

錢五

茯

苓

白

芍

酒煨

木

香

錢五

砂

仁

錢五

乾

薑

錢五

老蓮肉

炒四兩

米飲丸米飲下百十丸

治久瀉法

服藥久不效者如神

用陳艾一斤自腳心纏起至膝灣膝眼止另用
艾半斤坐穀道下脚下烘一二炷香忌青菜三
四日愈

何氏濟人言

四日論

艾草生於濕地不濕不焚一二秋香品青萊三

用刺艾一尺自濕心懸於王氣膏氣則止民風

風藥人不效者吹轉

印人醫書

米為水米為不百十水

